
A P P E N D I X.

IN Continuatione hujus hist. fol. 88 ad not. illustrissimi Domini *Joan. Ant. De Robiano*. XI. Ruræmund. Episcopi &c addantur sequentia : Bruxellis nobili Profapia ortus est, cujus Atavus *Lancelottus*, Abavus *Balthazar* supremo Ærario Belgicarum Provinciarum Præfectus, Anno 1609 ab *Alberto & Isabella* Belgii Principibus missus ad Batavos pro firmandis induciis. *Vincentius* Proavus, *Balthazar* Avus, & *Balthazar Franciscus* Pater, omnes tres Sanctiori Consilio Regio a Secretis : fuit etiam Pater Illust. D. *Graphæus* magni Consilii Mechlin. ubi residebat 9. 9.bris 1713.

EPITAPHIUM HUIUS ANTISTITIS

In memoriâ æternâ erit justus. Psalm. 3 v. 7.

Hic jacet

Illustrissimus ac Reverendissimus Dominus,
Dominus Joannes Antonius De Robiano,
Bruxellensis, S T L.
ex Canonico graduato nobili & Pœnitentiario
Ecclesiæ Metropolitanæ S Rumoldi Mechliniæ
XI. Ruræmundensium Episcopus, Primas Gelriæ &c.
A.º 1748. ad Cathedram Antverpiensem nominatus,
sponsam suam tenuem deserere noluit, sed pro eâ
posuit animam in vigiliâ S. S Apostolorum
Petri & Pauli laboribus apostolicis immortalus
Anno 1769. Ætatis 72. Episc. 23.
Vir pius, prudens, humilis, pudicus,
Sobriam duxit sine labe vitam,
Quò magis Christum satiare posset
esurientem.

R I P.

In Continuatione hujus hist. fol 96. jungendum elogio Illustrissimi Domini *H. J. de Kerens* XII. Ruræmund. Episcopi &c. quod pro Anniversario perpetuo in Eccl. Ruræmund. celebrando numeraverit 5000. fl. volens, ut, vitâ durante, census annui inde recipiendi impenderentur constructioni novi summi Altaris in dictâ Ecclesiâ S Christophori.

Hujus Nepos & Hæres *Godofridus Josephus De Creits (Crutz)* Mosæ trajectensis hoc Anno 1806 nominatus est à Francisco II Cæsare ad Episcopatum *S. Hippolyti*, succedens mediâtè suo Avunculo.

Fol. 97. in præati Antistitis Epitaphio omissa Dies obitus, quæ fuit *VI. Cal. Decemb.* (26. Novemb.)

Ibid fol. 100. memoratu dignum, quod Illustrissimus Dominus *J. B. R. van Velde de Melroy* ultimus Ruræmund. Episcopus nominatus sit Primus Eleemosynarius Regis Hollandiæ per litteras datas Moguntiæ die 31. July 1806.

In Continuatione Episcoporum Leodiensium ibid. fol. 110. desideratur ultimus : nimirum : H h

*capellanus, gal.
Lice Annônies*

XCIX. *Franciscus Antonius Maria Constantinus Comes de Mean*, natus 6. July 1756. filius *Francisci Antonii Comitis de Mean de Beaurieux*, Consilarii in Consilio Privato Celsissimi Principis Episcopi Leodiensis, à Cubiculis Excell. Electoris Colonienfis &c. & *Annæ Elizabethæ Franciscæ de Hoensbroeck - d'Oost* Sororis præcedentis Principis Leod. Primò Coadjutor, dein Canonicus titularis Ecclesiæ Cathedralis *Sancti Lamberti* ac Præpositus Collegiatiæ *Sancti Martini* Leodii, in Sacello Palatii Episcopalis dictæ Civitatis Consecratur Episcopus Hypponenfis suffraganeus Leodiensis ab Avunculo *Cæsare Constantino Francisco* Principe - Episcopo Leodiensi, assistentibus *SS. Ægidii & Jacobi* dictæ Civitatis Abbatibus die 19. Februarii 1786. tandem, defuncto Avunculo Prædecessore, eligitur Princeps - Episcopus Leodiensis die 16. Augusti 1792.

Sub eo cessavit Cathedra & Principatus Leodiensis; ac in novâ Episcopatum Galliarum circumscriptione nova Cathedralis Leodiensis erigitur per Bullam Pii VII. summi Pontificis Romæ datam 29. Decembris 1801, publicatam Parisiis 9. Aprilis 1802, cujus primus Episcopus constituitur *Joannes Zepffel*, qui Possessionem novæ Sedis obtinet in Mensè Augusti 1802.

CONTINUATIO

Decanorum Ecclesiæ Collegiatiæ Ruræm.

XIX. *Jacobus Hyacinthus Simon* J. U. L. ann. 1723. à Rege Hispaniæ nominatus. Obiit ann. 1743.

Inferat.
fol. 287.

XX. *Joannes Franciscus Dispa* S. T. L.

XXI. *Josephus Ignatius Simon de Vlodorp* J. C. L.

XXII. *Vincentius Dillen* S. T. D. & J. U. L. ultimus Capituli Decanus.

SEQUITUR series Cancellariorum supremi Consilii Ducatus Geldriæ, erecti Arnhemii à Carolo V. Cæsare Anno 1543, deindè translati Ruræmundam, hic exactius & fusius descripta, quam in hæc Historiâ fol. 287. & seq. & in ejusd. continuatione fol. 118. & seq.

I. *Judocus Sasbout*, natus Delphis ann. 1487. (filius *Sasboldi Sasbout* nati ann. 1455. Scabini dictæ Civit. ann. 1504. Consulis ejusd. ann. 1505 defuncti 10 Octobris 1508. & Dom. *Mechtildis van der Dussen*, nuptæ ann. 1484. defunctæ ann. 1538.) Eques, Dom. de Spaland, Celebris jurisconsultus, ann. 1515. Senator Curiaë Hollandicæ, deindè constitutus primus Cancellarius Curiaë Geldricæ ann. 1543. Obiit Arnhemii ann. 1546. ætat. 59. ann. 8. mens. 10. dier. ibidem sepultus in Ecclesiâ primariâ. duxerat *Catharinam van der Meer* filiam *Petri Arnoldi van der Meer & Ludovicæ de Wilt* van Bleyfwyck.

II. *Adrianus Marius Nicolai*, filius *Nicolai Everardi Zelandi*, Equitis & *Elizabethæ de Blyout*, senator supremi Consilii Mechlin. in locum *Everardi Nicolai* fratris renunciatur 22. July 1541. dein fit Geldriæ ac Zutphanicæ Cancellarius ann. 1548. Obiit Bruxellis 21. Martii 1568. sepultus Mechliniæ in Æde D. V. unâ cum Dom. *Elizabethâ Blocx van Duvenede* uxore, defunctâ 23. Octobris 1579. fuit is studiis amœnioribus deditus, & Poemata *Joannis secundi* fratris natuminimi, defuncti (Tornaci 24. Septembris 1536, ab ultra-

id e. Alii Everardi, nati in Grypskerke in vicinia civitatis Middelburgensis in insula Walcheren in Zelandiâ.

Alion, nata Mechlinia, quam latine Eligam Bladellam nominaverunt.
Tornaci in Abbatia Julmandi, tribus horis à Civitate Tornacensi, ibidemque sepulti.

- jectenſi editione primâ, ſecundùm Pariſiis elegantioribus typis & concinniori formâ in lucem extulit ann. 1561.
- III. *Arnoldus Saſbout*, Eques, Dom. de Spaland, filius *Judoci*, primi Geldriæ Cancellarii & *Catharinæ van der Meer*, de quibus ſuprà, primò Senator in Curiâ Hollandiæ exindè primus Conſiliarius Regius in Belgio, a Philippo II. Hiſpaniarum Rege conſtituitur Cancellarius Geldriæ ann. 1568. tandem 1. Juny 1572. litteris patentibus Matrì datis ſanctioris Conſilii Proto-Præſes renunciatus ann. 1576. ob tumultus belgicos ſeceſſit Hagam Comitum, ubi obiit ann. 1583, relictâ ex uxore *Mariâ van Heermale* unicâ prole *Judocâ*, nuptâ *Adolpho de Griboval*, Dom. de Berquin, filio *Florentii* Senatoris in ſupremo Conſilio Mechlin.
- IV. *Albertus de Leeuw* (aliàs *Leoninus*) Bomellanus Gelder, dictus *Longolius* op̄ proceram ſtaturam, humanioribus litteris in Patriâ toto triennio Ultrajecti ſub *Georgio Macropedio* operam dedit, deindè Embricæ ſub celebri *Mathiâ Brudenbach* per quadriennium Poëſi & Eloquentiæ ſtudit, in Collegio trilinguarum Lovanii ſub diſciplinâ *Petri Nannii* Profeſſoris illuſtris eruditus inſamèl utrique juri operam navavit ac Licentiæ gradu decoratus ann. 1547, Atrebatì ad linguam gallicam ediscendam per annum moratus, Lovanium rediit, ubi uxorem duxit *Barbaram de Haze* filiam *Joannis* juris civilis Anteceſſoris primarii, ac paulò poſt fit ipſe Profeſſor juris Canonici ex electione Senatûs Lovan. Anno 1550. Doctoris in utroque jure laureâ inſignitur 19. May, fitque Primarius ann. 1560, itâ præclarus, ut undique ad ejus Conſilia haberetur recursus. Ann. tandem 1581. poſt diſceſſum Archiducis *Mathiæ* hunc ſtatuerunt Conſederati ſtatus Cancellarium Geldriæ & apud Galliarum Regem Legatum. Obiit Arnhemii 6. Decembris 1598. ætat. ann. 79. Matrimonii 53. Sepultus ibidem in Eccleſiâ Colleg. *S. Eusebii*, ubi habet Epitaphium.
- V. *Guilielmus de Crip.* (aliàs *Cripius*) Delphius, ann. 1573. Senator Curie Ultrajectenſis, dein 19. Auguſti 1574 magni Senatûs Mechlin; litteris patentibus datis 15. Septembris 1582. fit Cancellarius Geldriæ, cujus Curiam Arnhemò Ruræmundam tranſtulerat Parmenſis Dux *Alexander* datis litteris 16. Martii 1580. ibique obiit 25. Januarii 1610.
- VI. *Petrus van den Boſch* Bruxellenſis filius *Caroli* & Dom. *Beatricis Ortiz*, creatus Præſes Conſilii Provincialis Namur. ann. 1609. & ann. ſequenti fit Cancellarius Geldriæ. Ruræmundæ obiit 4. Martii 1614. ſepultus in Choro Eccleſiæ Paroch. ibidem. *Mariam Maes* filiam *Jacobi* Conſiliarii-Penſionarii Civitatis Antverp. ab ann. 1556. Senatoris ſupremi Conſilii Brab. defuncti ann. 1569. & Dom. *Aleydis de Taſſis*, uxorem ſibi copulaverat, updè inter alias proles genuit *Carolus van den Boſch* ſucceſſivè Episcopum IX. Brugenſem Conſecratum 23. July 1651. & VIII. Gandenſem inſtallatum 23. July 1660.
- VII. *Henricus Uvens*, filius *Laurentii* & Dom. *Iſabellæ du Bois*, dictæ *Canis*, primò Senator in magno Conſilio Mechlin. conſtitutus per litteras patentes datas 10. Novembris 1607. deindè ab *Alberto* & *Iſabellâ* Archiducibus, Belgii Principibus fit Cancellarius Geldriæ litteris datis 1. Auguſti 1614. Moritur Ruræmundæ in Aprili 1622. Uxorem duxerat *Clementiam Affeliers* filiam *Joannis* Secretarii Conſilii ſtatûs & *Margaretæ van Duysbourg* ejus primæ uxoris, defunctam Mechlin. 26. Januarii 1627. Sepultam ibidem in

Ecclesiâ Paroch. *S. Catharinæ*, undè *Jacobum* & *Georgium* Confiliarios supremi Consilii Brab. inter alias proles suscepit.

VIII. *Godefridus Gilken*, filius *Leonis*, Dom. de *S. Antonius-Boom* Confiliarii & Procuratoris generalis Consilii Provirc. Ultrajectensis sub *Carolo V. Cæsare* & dom. *Ursulæ van Geel*, ex Senatore Consilii supremi Geldriæ fit ejusdem Cancellarius die 4. Juny 1622. Obiit *Ruræmundæ* 13. Martii 1625. in Choro Ecclesiæ Canonicorum regularium Crucigerorum ibidem depositus cum uxore *Jacobâ van den Hecke* filiâ *Caroli van den Hecke* Dom. de *Hauponlieu* & *Margaretæ van Steelant* ejus primæ uxoris, undè procreavit inter alios *Jacobum* Confiliarium & *Mamburnum* Consilii Geldriæ & *Leonem Godefridum Gilkens* Dom. de *S. Antonius-Boom*, Capitaneum Civitatis *Brugensis*, in quâ obiit 9. Julii 1672. sepultus cum expositione 16. quarteriorum sequentium: *Gilkens. Van Kessel. Meeckeren. Hackfort. Van Geel.*

Droif tot Droif. Toppinga. Toppinga.

Van den Hecke. De Landas. Van der Gracht. De Gryse.

Van Steelant. De Witte. De Colins. Westcappel.

IX. *Hieronymus de Gaule*, filius *Balduini* & Dom. *Isabellæ van der Meeren*, 12. Octobris 1619. Confiliarius in magno *Mechlin. Senatu* electus, dein in *Sanctiori Bruxellis* Senator, tandem 28. Maii 1625. Cancellarius Geldriæ, obiit *Ruræmundæ* 16. Julii 1650. Anno præcedenti 1649. die 1. Maii ibidem obierat ejus uxor Dom. *Anna de Kinschot* filia *Henrici* celebris *Causidici* in supremo *Brab. Consilio* & Dom. *Margaretæ Douglas* dictæ *Schot*, ambo sepulti in Ecclesiâ tunc *Paroch* dein *Cathed. S. Christophori Ruræmundæ*: ubi in Choro habent sequens Epitaphium:

D. O. M.

ANNE DE KINSCHOT

Matronæ moribus & pietate spectatissimæ

Conjugi suæ,

Ex quâ nil nisi mortem doluit.

Hoc monumentum posuit

HIERONYMUS DE GAULE

Eques auratus,

Hispan Indiarumque Monarchæ

in Provinciis Belgicis

a Consilio privato & Geldriæ Cancellario.

recessit illa 1. May anno MDCXLIX.

at ille Anno subsequenti MDCL.

quibus Lector pio affectu

Requiem apprecare.

X. *Jacobus Stalins*, natus *Gandavi* 11. Aprilis 1598. (filius *Ægidii* Confiliarii & Procuratoris generalis in Consilio *Flandriæ*, deindè per litteras, datas 23. Martii 1628. Senatoris in supremo *Mechlin. Consilio*, defuncti 7. Martii 1653. & Dom. *Isabellæ Canin*, sepultorum apud *Fratres Prædicatores Gandavi*.) primò fit Confiliarius in Consilio *Flandriæ* ac *Præses Camerae Computuum*, deindè Cancellarius Geldriæ, *Ruræmundæ* è vivis excellit 11. May 1654. ubi in Choro Ecclesiæ *Parochialis* (dein *Cathedralis*) appositus est uxori

*isabelle obiit 7. Martii 1653. sed isabelle canin
uxor obiit 7. Martii 1653.*

- Mariæ Roelants*, defunctæ 6. Octobris 1652, quæ erat filia *Jacobi* Equitis, Dom. de *Heynhaut*, à die 23. Januarii 1625. Senatoris in magno Consilio Mechlin, defuncti 25. Augusti 1651. & Dom. *Mariæ Douglas* dictæ *Schot* defunctæ 22 Juny 1638. Sepulorum Mechlin. in Ecclesiâ Fratrum Eremitarum S. Augustini. Inter Proles *Jacobi Stalins* numerantur *Jacobus* natus Gandæ 19. Januarii 1639. Consiliarius in Consiliis Flandriæ & a 7. Julii 1685 in Mechlin. ac hujus Præses a die 9. Decembris 1707. defunctus 22 Julii 1714. & *Clara Theresia Stalins* nata Gandavi 13. Augusti 1646. nupta *Alberto de Coxie* Baroni de *Moorffel*, Dom. de *Boufval* & *Lalou*, primò à die 20. Martii 1660. in supremo Mechlin., dein in Sanctiori & statûs Consiliis Senatori, tandem Proto-Præsidi Sanctioris Consilii, defuncto Bruxellis 13. Novembris 1709.
- XI. *Judocus van den Kerckhoven* ex Consiliario fit Cancellarius Geldriæ 21. Octobris 1654. Moritur 27. Aprilis 1657.
- XII. *Balduinus van der Piet*, Dom. de *Wegewalle*, Gandavensis, primò per plures annos Consiliarius Consilii Flandriæ, ex Senatore & Procuratore generali supremi Senatûs Mechlin. à Mense Junio 1640. fit Cancellarius Geldriæ, & circà annum 1662. Consiliarius supremi Consilii Belgici Madriti ac Sanctioris & Statûs Bruxellis, ubi obiit. 7. Octobris 1672. Ætat. 76. Sepultus Gandavi in Ecclesiâ Monialium S. Claræ.
- XIII. *Joannes Albertus van de Winckel* Bruxellensis, filius *Ludovici* dictæ Civitatis Scabini, defuncti ann. 1634. & Dom. *Catharinæ Martiny*, Patri successor datus in Scabini munere, viâ emptionis fit Dom. de *Alfemberg*, *Rhode* & *Linckebeek*, Consiliarius supremi Brabantia Consilii ann. 1646 tandem Cancellarius Geldriæ Obiit Bruxellis 7. Septembris 1670. Sepultus in Ecclesiâ S. S. Michaëlis & *Gudilæ*; uxorem habuit *Franciscam Corneliam van Hemmels* ibidem sepultam.
- XIV. *Jacobus van Gutschoven*, Dom. de *Genisart*, Lovaniensis, J. U. L. Assessor Drossardi Brabantia & Præpositi Curia, in Januario 1664 Consiliarius supr. Consilii Brab., 15 Junii 1671. Cancellarius Geldriæ, obiit Ruræmundæ 19. Aprilis 1682; cum uxore *Catharinâ de Rycke* defunctâ 2. Januarii 1681. sepultus in Ecclesiâ Cathed. Ruræmund. S. *Christophori*.
- XV. *Philippus Franciscus de Varick* Vice-Comes Bruxell. Dom. de *Boondael*, *Huysingen*, *Eysingen*, *Buysingen* causâ mortis fratris natu-majoris *Nicolai Frederici* improlis defuncti, filius *Nicolai de Varick* Equitis, Vice-Comitis Bruxell. Dom. de *Boondael*, *Banwel* &c. Tribuni Cohortis peditum sub signis Regis Hispaniarum & de Consilio belgico, ann. 1628. Marcgravii Antverp. ac Ditionis Ryensis, defuncti ann. 1656. & Dom. *Annæ Mariæ Micault* Dom. de *Huysingen*, *Eysingen*, *Buysingen* & *Torneppid* (flandricè *d'worp*) postquam fuerat ant. 1679. Consul Antv. fit Cancellarius Geldriæ die 19. Septembris 1683. sed ann. 1702. subactâ per Fœderatos Cæsaris Ruræmundâ, loco & Dignitati cessit cum Gallis ac Hispanis in Brabantiam recedens ac in Dominio suo propè Bruxellas, scilicet in Castro de *Huysingen* diem clausit extremum 9. Januarii 1714. duxerat uxorem *Mariam Annam van de Werve* filiam *Augustini van de Werve* Dom. de *Hovorst* & *Mariæ Annæ van de Werve* Dom. de *Schilde* & *Vremdyck*.

- XVI. *Franciscus Gaspar van Hempelrode de Starckenborch*, Dom. de *Schendelbeke*, filius *Joannis* Consiliiarii-Receptoris gener. confiscationum & regii census extraordinarii, defuncti Bruxellis 29. Januarii 1653. ibique in Ecclesiâ Paroch. *S. Gaugerici* (modò destructâ) sepulti, Senior Consiliiarius Geldriæ. Vices Cancellarii præced. supplevit in Consilio præsidens pluribus annis, donec tandem & ipse factus sit Cancellarius 17. Martii 1721. juramentum præstans 23. Aprilis seq. atque eodem ann. 7. Novembris obierit; quondam Maritus *Joannæ Barbaræ Jacobs*.
- XVII. *Petrus van Lom*, Dom. de *Parlo* ex perantiquâ & prænobili familiâ Geldricâ, primò Consiliiarius, dein 3. Martii 1723. constitutus Cancellarius Geldriæ, Sacramentum dixit 3. Aprilis seq. & obiit 4. May 1724. Sepultus Ruræm. in Ecclesia Fratrum minorum recollectorum.
- XVIII. *Hermannus Jacobus van den Bergh* ex Consiliiario Geldriæ Cancellarius constitutus 18. Septembris 1724. præstitit juramentum 15. Novembris seq. Obiit 20. Decembris 1727. relicto ex uxore *Aldegunde Petit*, *Arnoldo Josepho* filio, J. U. L. à die 6. Decembris 1718 ejusd. Consilii Consiliiario, defuncto 11. Februarii 1742. Ætat. 46. cujus filius ex *Isabellâ Ludovicâ Costerius* uxore procreatus, *Arnoldus Christophorus van den Bergh* J. U. L. de die 11. Januarii 1747. ejusd. etiam Consilii erat Consiliiarius ann. 1779.
- XIX. *Albertus Bernardus van Lom* præcitati *Petri* frater, Cancellarius Geldriæ designatus 7. Aprilis 1728. Sacramentum dixit 17. ejusd. Mensis & mortuus est 27. Decembris 1736. relicta Conjuge *Catharinâ de Chatelain*, defunctâ 26. Decembris 1745.
- XX. *Joannes Bernardus de Sweyns* ex Consiliiario & Mamburno Consilii Geldriæ fit ejusd. Cancellarius 16. Novembris 1737. præstitit juramentum 4. Decemb. seq. Obiit Cælebs ann. 1743.
- XXI. *Franciscus Josephus Xaverius Comes de Baillet*, primò Maregravius Antv. & ditionis Ryensis, posticâ Cancellarius Geldriæ in Octob. 1743. Obiit Ruræm. apoplexiâ tactus ann. 1748. (seu, ut alii habent, 28. Septembris 1747) nulla relicta prole ex *Catharinâ Coletâ Mariâ Stier*, filiâ Dom. *Cornelii Stier* & Dom. *Corneliæ van Titz*; defuncta Antv. 20. Junii 1781. ibiq. sepulta in Ecclesiâ Paroch. *S. Georgii*. Ipse Cancellarius filius erat *Christophori Ernesti* Comitis de *Bullet*, Dom. de *Reckingen*, *Strassen* & *Munichsbach*, nati Luxemburgi 1. Septembris 1668, Consilii Prov. Luxemb. 23. Martii 1699 & supremi Mechlin. 28. Januarii 1704. Consiliiarii, hujusq. Procuratoris gen. ann. 1706. ac Præsidis 5. Augusti 1716 Consiliiarii Status die 10. Aprilis 1718. ac Comitis creati 10. Aprilis 1719. tandem Proto-Præsidis sanctioris Consilii 19. Septembris 1725 defuncti Bruxellis 3. Junii 1732 Sepulti in Ecclesiâ Fratrum Carmelitarum discalceat. ubi habuit Mausolæum: vidui a die 20. Augusti 1717. *Annæ Martini* defunctæ ac Sepultæ Mechlin. in Choro antiquæ Eccl. Paroch. SS. Petri & Pauli modò destructæ.
- XXII. *Petrus Claudius Maria de S. Vaast*, Dom. de *Dentergem*, nascitur Gandavi 15. Augusti 1691. filius *Claudii Philippi de S. Vaast*, Dom. de *Dentergem* & Dom. *Joannæ Suzannæ de Lamzoete*, J. U. L. Causidicus in magno Consilio Mechlin. Collectionem decisionum *Remigii du Laury* Consiliiarii & Procuratoris gen. dicti Consilii Typis edi curavit, factus deindè ipse ejusd.

Senatus Consiliarius 20. Febr. 1724. undè eadem qualitate transfertur ad Sanctius Consilium Bruxellas die 29. Decemb. 1739. fitque 29. May 1748. Cancellarius & Præses ad interim Consilii Geldriæ & Locum tenens supremæ Curiaë feudalis Geldriæ, ac tandem 16. Octob. 1748. effectivè Cancellarius Geldriæ & Consiliarius status: obtinet 2. Jan. 1767. in remunerationem laborum prætorum titulum & prærogativam Baronis, ac moritur Ruræm. 9. Martii ejusd. ann. Sepultus Mechliniæ in Ecclesiâ (tunc Collegiatâ &) Parochiali B. M. V. trans Dylam cum uxore *Cæciliâ de Grana*, filiâ *Cornelii de Grana & Mariæ van Orssaghen* defunctâ Ruræm. 24. Novemb. 1756. Æt. 59 ann. relictis tribus Prohibus, *Augustino Ignatio Josepho* Barone de *St. Vaast* J. U. L. 5. Novemb. 1757. locum tenente Curiaë feudalis ditionis Mechlin. cum duabus filiabus.

XXIII. *Arnoldus Henricus Tackoen*, natus in Patria Leodiensi, filius *Gasparis* J. U. L. & Dom. *Adrianae Schapen*, J. U. L. lauream adeptus in Universitate Lovan. 19. Junii 1736. primò causarum Patronus, ac deindè 31. Augusti 1744. Consiliarius in supremo Geldriæ Senatu, insuper Consul Ruræm. Geldriæ Cancellarius à 22. Martii 1767. ac Consiliarius status ann. 1775. renunciatus, moritur 6. Jan. 1779.

XXIV. *Guilielmus Josephus Luytgens* Ruræmundensis, in generali Promotione Artium Lov. ann. 1743. quartus primæ lineæ è Prædagogio Liliensi renunciatus, die 18. Augusti 1746 J. U. L. causarum Patronus, dein Consiliarius, ac in Aprili 1779. Senior existens, Cancellarius Geldriæ nominatus, Possessionem dictæ Dignitatis adeptus 27. May seq. Mutato rerum Ordine, Geldriæque a Gallis subactâ ann. 1794. novissimus Cancellariorum agmen clausit.

B R E V E

SS. Domini PII VI. ad Illustrissimum Dominum Kerens
Episcopum Neustadiensem de datâ 11 Aprilis 1778.

PIUS Papa VI.

VENERABILIS Frater Salutem & Apostolicam Benedictionem. Perspectum nobis jam pridem erat, Venerabilis Frater, planèque cognitum tuum in Catholicam Religionem studium, quâque doctrinæ ac morum integritate rerumque gerendarum prudentiâ præditus, atque instructus esses & quam jure ac merito apud Cætare utramque Majestatem maximâ floreres & existimatione & gratiâ. Hæ tuæ laudes nobis egregiè confirmatæ nuper atque auctæ sunt, cum certiores facti essemus, quale fuerit, quam apertum, plenumque fidei ac

sapientiæ consilium à te datum de repentinâ illâ, quæ nuper in Moravia accidit, plurimorum ab Ecclesiâ Secessione ac tumultu. Itaque testari tibi per nos ipsos hisce litteris voluimus, quanti apud nos sint ejusmodi merita tua, & quantum ad te commendandum diligendumque inflammemur. Quos animi noliri de te sensus majore adhuc indicio declaramus, summâ nimirum nostrâ spe ac fiduciâ, fore, ut imposterum plurimæ istic tibi benè gerendi occasiones suppetant, easque præterlabi pro tua virtute nequaquam finas, quin una & prudenter & intrepidè Religionis res utilitatesque promoveas, Ecclesiam tuearis, ejusque jura omnia rationesque sustentas, ac unicè semper in his suscipiendis gerendisque actionibus ad Dei causam ac Episcopalis animi fidem, non ad ulla aduerlantium opes ac rerum humanarum eventus respicias. Si per te ipsum tuæque sponte ad veram laudem satis jam incitato atque currenti hos nostræ hortationis tamquam stimulos videmur adjungere, non idcirco id fieri a nobis putes, quod te iisdem indigere existimemus, sed quo magis patefaciamus tibi, quam studiosi simus tuæ virtutis, per quam Apostolica nostra sollicitudo sublevatur, quamque ex novis tuorum hujusmodi meritorum argumentis cumulari in nobis causas ad te amandum ornandumque exoptemus. Deum Optimum Maximum precamur, ut conatus laboresque tuos omnes, quos ad illius gloriam susceperis, semper adjuvet, suæque benignitate prosequatur; in cujus auspiciis unaque in singulari nostræ Caritatis pignus Apostolicam Benedictionem tibi, Venerabilis Frater, ex intimo paterno corde depromptam peramanter impertimur. Datum Romæ apud S. Petrum sub annulo Piscatoris die XI. Aprilis MDCCLXXVIII. Pontificatûs Nostri Anno Quarto.

Benedictus Stay.

Superscriptio erat :

Venerabili Fratri *Henrico Joanni* Episcopo
Neustadiensi.

